

Na osnovu člana 118. Zakona o radu ("Službene novine Federacije BiH" broj: 26/16, 89/18, 44/22), člana 94. Zakona o osnovnom odgoju i obrazovanju (" Službene novine Kantona Sarajevo", broj: 23/17, 33/17, 30/19, 34/20, 33/21), člana 173. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj: 24/22) i odredi Pravila JU OŠ "Aleksa Šantić" Sarajevo, uz konsultacije sa predstavnicima Sindikata JU OŠ "Aleksa Šantić" Sarajevo, Školski odbor JU OŠ "Aleksa Šantić" Sarajevo, na sjednici održanoj dana 21.10.2022. godine, d o n o s i

Pravilnik o izmjenama i dopunama Pravilnika o radu JU OŠ „Aleksa Šantić“ Sarajevo

Pravni osnov za donošenje Pravilnika o izmjenama i dopunama Pravilnika o radu JU OŠ „Aleksa Šantić“ Sarajevo je Kolektivni ugovor o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene Novine Kantona Sarajevo“ br: 40/22)

Član 1.

Član 90. Pravilnika o radu JU OŠ „Aleksa Šantić“ Sarajevo, br: 03.2-957/22 od dana 24.06.2022. godine mijenja se i glasi:

(Dodaci na plaću za otežane uslova rada)

(1) Radniku po osnovu otežanih uvjeta rada pripada pravo na poseban dodatak uz plaću u visini do 25% njegove osnovne plaće u sljedećim slučajevima:

- a) Radniku koji po nalogu direktora, nakon prethodno pribavljene saglasnosti ministra, u istom danu radi u dvije smjene, ako je pauza između smjena u trajanju četiri i više sati, pripada pravo na poseban dodatak uz plaću u iznosu od najmanje 1% za svaki dan rada sedmično, a najviše 5% rada u toku radne sedmice njegove osnovne plaće, pri čemu se kao rad u dvije smjene ne smatraju: nastavnička i razredna vijeća, sjednice stručnih aktiva, roditeljski sastanci, informacije, pripreme učenika za takmičenja,
- b) nastavniku u razrednoj i predmetnoj nastavi u redovnoj školi i nastavniku u ustanovi u kojoj se odgajaju i obrazuju djeca i učenici s teškoćama, a koji nastavu realizira iz više od tri nastavna predmeta, pripada pravo na poseban dodatak uz plaću po svakom narednom predmetu 1%, a najviše do 5% njegove osnovne plaće,
- c) radniku koji po nalogu direktora, nakon prethodno pribavljene saglasnosti ministra, u toku čitave školske godine radi samo u popodnevnoj smjeni pripada pravo na poseban dodatak uz plaću u iznosu od 2% njegove osnovne plaće,
- d) nastavniku po osnovu rada sa učenicima sa teškoćama sa kojima nastavnik radi na osnovu individualiziranog prilagođenog programa (IPP), pripada pravo na poseban dodatak na plaću u iznosu od 2% njegove osnovne plaće za rad sa svakim učenikom s kojim realizira jedan čas sedmično, a najviše 15 % njegove osnovne plaće,

- e) nastavniku koji nastavu realizira u kombinovanim odjeljenjima sa dva razreda, pripada pravo na poseban dodatak uz plaću u iznosu od 10% njegove osnovne plaće,
 - f) nastavniku koji nastavu realizira u kombinovanim odjeljenjima s tri i više razreda, pripada pravo na poseban dodatak uz plaću u iznosu od 20% njegove osnovne plaće,
 - g) radniku koji radi u Školi udaljenoj 10-20 km od urbanog centra, pripada pravo na poseban dodatak uz plaću u iznosu od 10% njegove osnovne plaće,
 - h) radniku koji radi u Školi udaljenoj preko 20 km od urbanog centra, pripada pravo na poseban dodatak uz plaću u iznosu od 20% njegove osnovne plaće,
 - i) **nasatvniku razredne i predmetne nastave za specifičnosti izvođenja odgojno – obrazovne nastave (rad sa djecom/učenicima) pripada pravo na poseban dodatak u iznosu od 3% od njegove plaće**
 - j) **pedagogu, psihologu, pedagogu/psihologu, socijalnom pedagogu, defektologu, logopedu, asistentu u odjeljenju/grupi, bibliotekaru socijalnom radniku, nastavniku u produženom i cjelodnevnom boravku, rukovaocu nastavnom tehnikom (rukovalac nastavnom tehnikom i EMIS odgovorna osoba), i članu mobilnog stručnog tima za pružanje podrške inkluzivnom timu pripada pravo na dodatak u iznosu od 3% od njegove osnovne plaće. Radnicima iz ove tačke koji rade u stručnom timu ustanove za podršku inkluzivnom obrazovanju, pored posebnog dodatka u iznosu od 3% njegove osnovne plate, pripada pravo na dodatni poseban dodatak u iznosu od 1% njegove osnovne plate.**
 - k) nastavniku koji nastavu realizira u stacioniranim ustanovama „Škola u bolnici“ pripada pravo na poseban dodatak u iznosu 5% njegove osnovne plaće,
 - l) **direktoru, pomoćniku direktora (voditelj dijela nastavnog procesa), sekretaru, samostalnom referentu za plan i analizu (računovodstvenom – finansijskom radniku) i administrativno – računovodstvenom radniku pripada pravo na poseban dodatak u iznosu od 4% njegove osnovne plate. Radnicima iz ove tačke, pored posebnog dodatka u iznosu od 4% njegove osnovne plaće, pripada pravo i na poseban dodatak prema sljedećim kriterijima: radniku u osnovnoj školi sa više od 60 radnika u iznosu od 1% njegove osnovne plate i radniku u osnovnoj školi sa više od 80 radnika u iznosu od 2% njegove osnovne plate**
 - m) nastavniku sa punom normom koji nastavu realizira u dvije ustanove pripada pravo na poseban dodatak u iznosu od 2% njegove osnovne plaće,
 - n) nastavniku sa punom normom koji nastavu realizira u tri ustanove pripada pravo na poseban dodatak u iznosu od 3% njegove osnovne plaće,
 - o) nastavniku sa punom normom koji nastavu realizira u četiri i više ustanova pripada pravo na poseban dodatak u iznosu od 5% njegove osnovne plaće,
 - p) radniku koji radi u istoj ustanovi na različitim lokacijama u toku radnog dana pripada pravo na poseban dodatak u iznosu od 2% njegove osnovne plaće.
- (2) Poseban dodatak iz stava (1) tačka d) ovog člana nije povezan s normom časova, već s brojem učenika s kojima nastavnik radi na osnovu IPP-a i brojem časova koje nastavnik sedmično realizira s njim, odnosno njima.
- (3) **Posebni dodaci iz stava (1) ovog člana se utvrđuju za svaku školsku godinu, a isplaćuju se tokom cijele nastavne godine, izuzev posebnih dodataka iz stava 1 tačka i), j) l) koji se isplaćuju tokom cijele godine.**

(4) Plaću iz stava (1) ovog člana čini osnovna plaća (vrijednost koeficijenta složenosti poslova platnog razreda utvrđenog rješenjem o plaći radnika umnožen sa utvrđenom osnovicom za obračun place na način propisan Kolektivnim ugovorom).

(5) Ukoliko radnik radi u više ustanova, pravo na poseban dodatak na plaću iz stave (1) tačka a) i tačka b) ostvaruje u onoj ustanovi u kojoj je procentualno više angažovan.

(5) Dodaci iz stave (1) međusobno se ne isključuju, ali ne mogu prelaziti iznad od 25%.

Član 2.

(Stupanje na snagu)

(1) Pravilnik o izmjenama i dopunama Pravilnika o radu JU OŠ »Aleksa Šantić« stupa na snagu danom donošenja i biće objavljen na oglasnoj tabli i službenoj web stranici Škole.

Broj: 03.2-1566/22

Sarajevo, 24.10.2022. godine

PREDSJEDNIK ŠKOLSKOG ODBORA

s.r. Mr. Nejra Smajić Šahić